

# GURAS

REVISTË E NXËNËSVE TË GJIMNAZIT "CAMBRIDGE" Nr.10



*Po le shkollen pas dore...  
Koha të sfidon orë pas ore*







# Fjala e drejtorit

## Guras

Gjimnazi "Cambridge"

Revista Nr. 10

www.gjimmazicambridge.com  
schoolpeje@gmail.com  
+38649554500  
+38139432450

### Këshilli redaktues:

Aktivi profesional i shkollës

### Bashkëpunëtorë

Nxënësit e gjimnazit  
"Cambridge"

Përgaditja për shtyp  
dhe dizajn  
Florim Beqaj

Shtypi  
Dukagjini  
Pejë, 2018



Prof. Dr. Jakup Beqaj

## Fjala e drejtorit

Shkolla e jonë Gjimnazi "CAMBRIDGE" , më shumë se dy dekada punë e palodhshme, duke edukuar breza të rinjë!

Ky institucion privat vatër e dijes dhe e suksesit të vazhdueshëm nisi si një filizë e re në Dukagjin, u rrit dhe u zhvillua si tempull i vazhdueshëm dhe i qëndrueshëm i dijes.

Filluam me shkollë të gjuhëve të huaja "THE CAMBRIDGE SCHOOL" dhe e vazhduam me hapjen e GJIMNAZIT "CAMBRIDGE". E zgjeruam në këtë mënyrë sepse arsyeja kryesore ishte kërkesa për themelimin e një burimi të dijes , gjimnaz në nivelin më të lartë dhe bashkëkohor, edukativo-arsimor.

Gjith ky sukses është falë udhëheqjes së drejtë në suaza të barabarta për secilin, duke filluar nga stafi i mësimdhënësve ashtu edhe grupi administrativ e punues i shkollës të cilët bëjnë një punë të palodhshme e të cilësisë së lartë. Pra, bashkëpunimi interaktiv mësimdhënës-nxënës-prindër janë këto etapa pune që të gjitha rezultojnë me suksesin tonë që ne sot po ekzistojmë si shkollë unike me vlerat e saja të veçanta.

Atëherë, gjithë ky rrugëtim reflekton me shembujt që na shfaqen nëpër institucione dhe vende të ndryshme pune. Ku ish nxënësit e GJIMNAZIT "CAMBRIDGE" sot janë krenaria e institucionit ku ndodhen.

I tërë ky sukses është rrjedhojë e edukimit dhe formimit cilësor që morën në këtë institucion.

Ashtu si vet emri "GURAS" që mbanë revista , shkolla jonë është një vatër që ekziston, reziston dhe kurrë nuk ka qetësinë e saj në edukim, zbulimin dhe formimin e talentëve të rinjë.

Jemi bashkëudhëtarë në brumosjen dhe zhvillimin e nxënësve për çdo brez të ri .

### KLASA PËRGATITORE

Nxënësit e programit parafillor të shkollës sonë janë filizat me te njoma të cilët me punën e palodhshme të mësueses dhe bashkëpunimit të prindërve çdo ditë e më shumë mësuan dhe përparuan në zhvillimin kognitiv në formë të aktivitetit rekreativo-mësimor.

Filluan nga njoftimi me ambientin e shkollës dhe posaqerisht me klasën e tyre vendin shumë të dashur. Kështu që veprim pas veprimi ata ecen në rrugën e dijes , qoftë me anë të lojës edhe në formë të dëgjuarit nga mësuesja , dhe duke vizatuar, pra imagjinata e tyre e vogel e shfaqur në letër. Mirëpo të vegjëlit e shkollës sonë mësuan edhe në gjuhën angleze, duke filluar nga prezentimi e tyre thënë ndryshe preken të gjitha segmentet për nivelin që janë.



U mësuan të jemi pjesë e skenës, për festën e 28-Nëntorit-Ditës së Flamurit Kombëtar , kënduam këngë. Zërat tonë të njomë i dhanë madhështi skenës !



## Me të vegjlit e shkollës

### KOMUNIKIMI DIKUR



Atë që e mësuam e vendosëm të vizatuar në murin e klasës ,tani ne mësuam komunikimin me anë letrës.Vendosëm në klasë edhe kutinë postare, ne dijmë edhe për mënyrën e komunikimit sot dhe dikur...

### KËNDI I SHKENCËS



Filluam me lojë dhe mbaruam me një mësim të ri .Symbyllur ne dallonim gjërat,kuptuam nga mësuesja e jonë e dashur që lojën dhe mësimin i bëjmë me anë të shqisave.Gjithqka e re po vjen tek ne çdo ditë e më shumë...

### LOJËRA MATEMATIKORE

U njoftuam edhe me numrat, për mes lojës ne prekim numrat që i dijmë..



G u r a s



## Prezantimi i klasëve



### **Klasa Parë “Klasa Dielli”**

Dielli vjen në agim,  
Leshon rreze mbi ne.  
Hap zemrat me gëzim,  
Të mësojmë pa përtim.  
Te mësojmë, të mësojmë  
Vendin tonë ta ndriçojmë



Edhe këtë vit shkolla vazhdon rrugën drejt dijës me nxënës nga klasa e parë të quajtur “Klasa Dielli” që janë gjithsej 20 nxënës. Ishte një sfidë për ta ku ata nga ambient I ngrohtë familjar u përballen me një ambient të ri jo shumë të njohur për ta. Panë se secili shkoë e shoqe kishte nga një karakteristikë të vecantë, menjëherë filluan ta duan njëri tjetrin si të ishin motra e vëllezër. Tani u bënë një klasë e cila dita ditës u ndërtua ne besim e rrespekt të ndërsjelltë.

Si risi mësimi zhvillohet për herë të

parë me kurrikulën e re të Kosovës dhe fatmirësisht u tregua mesimnxënie e plotë dhe nxënësit arritën suksese në çdo fushë mësimore.



## Prezantimi i klasëve

### Luajmë duke mësuar, mësojmë duke luajtur

Puna u konkretizua edhe me shumë aktivitete, festa dhe lojëra ku nxënësit shpalosën shpirtin e tyre artistik, në role të ndryshme, me shumë kreativitet bënë punime të shumta dhe arritën titullin “Krijuesit e vegjël”.



Pemë në pranverë, me beharë,  
Pemë në verë, me nektarë,  
Pemë në vjeshtë, me begati,  
Pemë në dimër, për Vitin e Ri.

P-punë  
E-edukim  
M-motivim  
A-arsimim

E gjitha e punuar me shumë dashuri, si diell të  
rrezojë për brezat e ri.

G u r a s



## Prezantimi i klasëve


### Shëndeti mbi të gjitha

Puna vazhdoj edhe në fushat tjera...

Ku u bë dhe integrimi I lëndëve dhe nxënësit u njohën me shëndetin dhe rëndësinë e tij.

Me duart e vogëla të tyre, bënë punime të shumta duke kuptuar sa më afër se:

“Shëndeti qëndron mbi të gjitha të mirat materiale, saqë një lypës I shëndetshëm është më I lumtur se një



*Dita ditës bëjmë hapa drejt dijes me gojë plotë themi se jemi “Dielli rrezeartë”:*



## Prezantimi i klasëve

### KLASA E DYTË

Nxënësit e klasës së dytë çdo ditë e më shumë po zhvillohen në të gjitha segmentet e dijes. Jo vetëm që nuk ndalën së punuari por ata dijnë të dëshmojnë edhe për punën që e bëjnë.

Erdhen si larva dhe tani janë fluturat më të bukura shumëngjyrëshe që çdo ditë e më shumë po fluturojnë lart. Me anë të aktivitetit dhe punës intenzive që bënë këtë vit shkollor u rritën si fizikisht ashtu edhe në aspektin edukativo-arsimor.




G u r a s



## Prezantimi i klasëve

Për ne janë të bukura të gjitha stinët , por stinën e Pranverës e duam më së shumti! Andaj ne vizatuam në vizatimet tona dhe mbushëm fletoret me esetë më të bukura që shkruajtëm ne!



Guras



## Prezantimi i klasëve

Ne jemi vërtetë të zellshëm dhe i përkushtohemi çdo aktiviteti që na jipet nga mësuesja e jonë e dashur.

Mësuam numrat, si t'i zbrisim, por nuk pushuam së punuari, ne tani dijmë edhe të rrisim edhe të zvo-  
glojmë problemet matematikore. Rrisim duke shumëzuar dhe zbërthyer detyrat me anë të tabelës së  
shumëzimit. Kështu që fluturat



Guras




## Prezantimi i klasëve

### KLASA E TRETË

“Mos harro të jeshë i kujdesshëm ndaj atyre që të duan dhe i do më së shumti”.

Nxënësit e klasës së tretë me shumë dashuri dhe përkushtim punuan kartolinat dhe shkruan fjalët më të ëmbla për më të shtrenjtën, NËNË.



### Vizitë Kuvendit të Republikës së Kosovës

Nxënësit e shkollës sonë vizituan Kuvendin e Republikës së Kosovës. Ata kishin mundësinë që të njiheshin për së afërmi me hapësirën dhe mënyrën se si zhvillohen aktivitetet në kuvend.

Nxënësit ishin shumë kureshtarë dhe të emocionuar gjatë kësaj vizite, ku me këtë rast disa prej tyre morën rolet e udhëheqësve shtetëror. Ne urojmë që nxënësit tanë të jenë liderët e së ardhmës dhe të kontribuojnë për shtetin e Kosovës. 🇰🇲

G u r a s



## Prezantimi i klasëve



Me ndihmën e profesoreshës së nderuar Hatixhe Ademaj, nxënësit e klasës së tretë, për here të parë u përballën me gjallesa të përmasave mikroskopike, dhe shuan kurreshtjen e tyre se si marrin frymë bimët! 📷 □ 📷



Guras



## Aktivite të nxënësve



Vizitë me karakter mësimor në fabrikën e miellit M & Sillosi në Xërxë. Për nxënësit ishte rast i jashtëzakonshëm, ishin kureshtarë dhe nuk nguronin të bënin pyetje për të



Është sezoni i dytë që nxënësit vjelin të mbjellat e tyre. E mira e tërë kësaj pune është zhvillimi i ndjenjës së përgjegjësisë dhe kujdesit tek nxënësit e klasës së tretë, qoftë edhe ndaj një fidane të mbjellur. Sa do të pakta që ishin frytet, ato kishin vlerë të paçmueshme për nxënësit. Krenaria dhe kënaqësia vështirë të fshehet nga fytyrat e tyre të ëmbla. Për sezonin e dimrit duhet të përgatitemi me kohë. Konservimi i perimeve çdoherë është detyrë e pritur me shumë entuziazëm. Mbi të gjitha mësojmë me kohë se: "Ne jemi çfarë hamë".

G u r a s



## Aktivitetet e nxënësve

### KLASA E PESTË



Tani jemi në klasën e pestë dhe jemi më të fortë se asnjëherë.

Klasa jonë është dhoma e imagjinatës, shkencës, përallës, matematikës aty ku ne bëjmë punën tonë pa u lodhur dhe me shumë dashuri.

-Albisoni e don shumë natyrën dhe gjithmonë e ruan me shumë kujdes...

-Kajani e don shumë shkencën dhe gjithmonë zbulon diçka të re...

-Blerta e don shumë shkrimin dhe gjithmonë na mahnitë me thurjet e saj...

-Ornela është shumë kreative, ajo zbukuron gjithmonë klasën tonë me punimet e saj të mrekullueshme...

-Isa e don shumë drejtësinë, ai gjithmonë mëson për ligjet dhe luan rolin e policit të trafikut...

-Rina e don shumë matematikën, ajo nuk do të ndalet deri sa ti fitoj garat...

Ndërsa ne së bashku e duam mësuesën tonë e cila punon pa u lodhur që ne të shohim të ardhmen tonë më të mirë!

*Disa nga aktivitetet tona si: vizita në Qendrën Burimore, "Xheladin Deda", në Pejë, vizita në Parlamentin e Kosovës, ekskursioni njëditor i organizuar nga shkolla, përgatitja e ëmbëlsirave nga duart tona, eksperimente të ndryshme në kabinetin tonë të shkencës...*



G u r a s



## Aktivite të nxënësve

*Puna jonë është gjithmonë e pa lodhëshme dhe nuk ka kurrë të ndalur...*



Guras



### EKSKURSIONI NJË DITOR

Më datë 06.10.2017 u organizua një ekskursion një ditor që si qëllim kryesor kishte anën edukativo-arsimore e padyshim edhe rekreacionin për të shijuar bukuritë natyrore të zonave të veçanta të Kosovës.

Itinerari i ekskursionit ishte përcaktuar paraprakisht. E nisëm këtë rrugëtim për tu ndalur në vizitën e parë në Istog e duke vazhduar kështu tek Guri i Zi. Udhëtimi vazhdoi drejtë cakt të radhës. Pra, ishte ky Kopshti Zoologjik, kopshti i dashurisë për kafshët si personazhet dhe miqtë më të mirë të përrallave dhe fabulave të çdo fëmije. Pas këtyra vizitave të këndshme udhëtua me kureshtje për befasinë e radhës. Nuk ka kuptim të realizosh një ekskursion e të mos e vizitosh qytetin e vjetër të Prizrenit, siç nuk ka kuptim ta vizitosh Prizrenin e mos ta vizitosh shtëpinë muze të "Lidhjes së Prizrenit". Qëllimi kryesor ishte njohja e nxënësve me historinë dhe ngjarjet e zhvilluara në atë vend, përkatësisht rëndësinë e Lidhjes Shqiptare të Prizrenit. Nxënësit patën rastin të informohen lidhur me historinë e vendit, sakrificat, mundin, gjakun e atdhetarëve dhe përballjen e tyre me shumë armiq. Pas Prizrenit, udhëtua në Gjakovë ku nxënësit ishin të lirë të argëtoheshin me gjithçka që iu ofronte qyteti fëmijëve.

Meqenëse ky ekskursion i arriti objektivat e parapara, Gjimnazi Cambridge planifikoi ekskursionin e radhës edukativo-arsimor, e motoja ishte "Njohja me shtigjet e bardha".



*Koment: Blerina Osmanaj*



T'i quaj të veçanta momentet e përjetuara atë ditë!

Them kështu sepse u argëtuam pa masë dhe perjetuam kujtime të paharruara. Përveq momenteve të bukura, patëm rastin të zgjerojmë njohuritë e përgjithshme lidhur me kulturën e popullit, jetesën e kafshëve në kopshtin zoologjik si dhe traditat tona.





# Gimnazia "Cambridge"

Viti Shkollor 2017/18

Kujdestari



Prof. Mustafë Kadriçaj

Drejtori



Prof. Jakup Beqaj



Altin Shurdhaj



Elsa Kelmendi



Arbios Jasiqi



Euron Shala



Ardona Musaj



Leonit Cakaj



Arjanit Ademaj



Megzon Hajdari



Blendi Tolaj



Pajtesa Dobroshti



Bleon Zekaj



Rrezarta Nitaj



Edonis Abazi



Taulanta Gashi



Zoje Lajqi



Yllka Shoshi



Vleri Begaj





# Gimnazia "Cambridge"

Viti Shkollor 2017/18

Drejtori



Prof. Jakup Beqaj

Kujdestari



Prof. Irena Ramosaj



Anis Byberi



Ardit Osmanollaj



Dijana Bozhdaraj



Leonita Bozhdaraj



Leotrim Jusaj



Lirik Studenica



Luan Imeraj



Merisa Tishukaj



Mir Lind Lokaj



Ndrim Krasniqi



Yll Kalitani



Jetir Ukëhaxhaj



Marigona Ukëhaxhaj



## Aktivite të nxënësve

### FESTA “HALLOWEEN”

Në shkollën tonë tashmë nata e Halloween-it është bërë traditë e festimit për çdo vit. Me punën e palodhshme të grupit artistik dhe stafit të shkollës çdo kënd i shkollës frymoi festën, apo mori ngjyrë feste Halloween.



*Koment: Vleri Beqaj*



Për grupin artistik, çdo festë ka rëndësi të madhe, por do të doja ta veçoja në këtë rast festën më të dashur për ne, Halloween-in. Asnjë ekspozitë nuk është mbreslënëse pa artist të vërtetë, të cilët punojnë me plot shpirt, ashtu siç kemi zakon ne që me plot vullnet të shfaqim kreativitetin tonë në ambientet e shkollës. Përveç tjerash, ne si artist të rinjë ndihemi krenar që me punën tonë arrijmë që të vegjlit e shkollës të gëzojnë pa masë dhe të ofrojmë hapsirën që ata meritojnë për ta festuar këtë ditë

G u r a s



## Aktivite të nxënësve

### INICIATIVA HUMANITARE

Bamirësia nuk të varfëron!

Nxënësit tanë me humanitetin e tyre kontribuan sado pak në zbutjen e mundimeve të familjeve skamnore. Kush me veshmbathje, kush me ushqim e gjëra higjienike u bënë pjesë e kësaj fushate. Shërbimi ndaj njerëzve në nevojë është vepër e madhe!



*Koment: Rinesa Çekaj*



Shkolla jonë mori iniciativën për të dërguar disa ndihma në Kryqin e Kuq në mesin e nxënësve isha edhe unë që mora pjesë.

Për mua ishte një kënaqësi shumë e madhe që me ndihmën tonë sado të vogël gëzuan shumë njerëz.



## Aktivitet festiv

### FESTA E 28 NËNTORIT

Për nderë të festës së 28 Nëntorit, më datë 24.11.2017 Gjimnazi Cambridge organizoi një manifestim shkollor. Nxënësit tonë, të veshur me ngjyrat e flamurit kombëtar, dukeshin sikur të jenë pjesë e tij dhe pritnin me padurim fillimin e manifestimit.

Siç e do tradita vetë nxënësit e udhëhoqën programin duke qenë vetë pjesëmarrës, moderues dhe ekzekutues të programit. Recitimet, vallet, këngët, ekspozita murale dhe në fund edhe sfilata me veshje kombëtare u përcollën me mjaft duartrokitje nga të pranishmit.

Festa vazhdoi në një ambient tjetër të shkollës, përkatësisht në sallën e Edukatës Fizike dhe Sportive ku u organizua turniri i futbollit me ndeshjet mes klasëve. Për përgatitjen dhe mbarëvajtjen e këtij turniri u përkujdes profesori lëndës.

Pas një përballje shumë cilësore, fituese e këtij turniri doli klasa e IX-të.



*Koment: Merisa Tishukaj*



Falë sakrificave të mijëra luftëtarëve të cilët kanë rënë dëshmorë, ne jetojmë të lirë. Mburremi, nderohemi dhe mbi të gjitha ndjejmë krenari që jemi pjesë e kësaj toke arbërore.

Dhe këtë mburrje e kremtojmë me këngë e valle çdo vit.

G u r a s



## Aktivitet festiv

### FESTAT E FUNDVITIT

Muaji dhjetor, i cili njihet edhe si periudha më e bukur e vitit, motivoi nxënësit që me përkushtim të pasurojnë ekspozitën e murit me punime kreative dhe mbresëlënëse në gjuhën tonë dhe atë angleze. Grupi artistik, si çdo herë tjetër, dekoroi ambientet e shkollës duke na dhënë ngrohtësinë e festave të fundvitit.

Shkolla jonë përveç se ofron mësimdhënie të shkëlqyer, sigurisht që ofron mundësi të shumta argëtimi dhe hareje. Përndryshe ky muaj në shkollën tonë u shënuar si "Muaji i festave të fundvitit, artit dhe kulturës".



*Koment: Eurolinda Gashi*



Çdo gjë frymon ndryshe këtë kohë, janë festat e preferuara të të gjithëve!

Shkolla mori pamje festive, me shumë përkushtim i dekoruam ambientet e ndryshme dhe i dhamë atmosferën festive gjithë shkollës si edhe çdo vit tjetër...

Në këto hapësira frymojmë lirshëm, mësojmë shumë dhe po aq shumë argëtohem!

G u r a s



## Ekskursion

### SKIJIMI DIMEROR - "MAVROVA 2018"

Nxënësit e ciklit të lartë dhe ciklit të mesëm të ulët të shkollës sonë ishin në një ekskursion 5 ditorë në Mavrovë. Nën kujdesin e vazhdueshëm të profesorit të Edukatës Fizike, mësuan dhe praktikuan stile të ndryshme të sportit të tyre më të dashur, skijimit. Ky udhëtim ishte sa frytdhënës po aq edhe argëtues për nxënësit tonë, të cilët përforcuan njohuritë etyre rreth sporteve dimërore duke u aftësuar që të skijojnë të pavarur.



*Koment: Adea Shoshi*



Ky ishte viti i dytë me radhë që unë i bashkohem ekskursionit të organizuar nga shkolla. Mund të them se është i domosdoshëm përjetimi i përvojave të reja e burimplota, përfshirë këtu aftësimin në sportin atraktiv të skijimit, mësimin e ndonjë gjuhe, ideje apo kulture të re, aktivitete këto që mundësohen me vizita të shpeshta si Mavrova dhe vende tjera që ofrojnë mundësi të tilla për nxënësit

G u r a s



### MANIFESTIMI PËR 17 SHKURTIN NË AMBIENTET TONA

Pas një rrugëtimi të vështirë arritëm të përjetojmë kurorëzimin e Kosovës si shtet i pavarur. Nuk kishte si të mos i kushtonim rëndësi të veçantë një date kaq të rëndësishme të shënuar për popullin shqiptarë. Si çdo vit tjetër, edhe këtë herë Gjimnazi “Cambridge” organizoi një orë letrare për nder të 17 Shkurtit. Një numër nxënësish e nderuan këtë ditë me krijimet e tyre të cilat vërtetuan madhështinë e kësaj feste. Krijuesit tonë të rinjë shpalosën aftësitë e tyre krijuese me anë të eseve dhe poezive të ndryshme.



*Koment: Jona Morina*



Ishte 17 Shkurti, dhe si çdo datë të tillë me vlerë, shkolla jonë e festoi. Nuk ishte një festë e madhe por mund të themi se ishte një orë letrare e shkëlqyer dhe ne ia kaluam shumë mire. E gjithë ora letrare ishte në frymën e asaj date. Poezitë dhe esetë e shkruara ishin mbresëlënëse, disa të përzgjedhura nga poetët më me vlerë të letërsisë sonë e disa të shkruara nga vet nxënësit, si puna ime që u paraqita me dy krijime personale. Për mendimin tim, eseja më e bukur ishte shkruar nga Filiza Ukaj ku tregoi për ngjarjen e nënës së saj që e përjetoj gjatë luftë... Shfaqja vazhdoi derisa përfunduan të gjitha leximet, pjesa më e bukur ishte ajo kur na duartrokisnin, brohorisnin dhe na përgëzonin për punën tonë të pandalur. Për mua ishte shfaqja më e bukur dhe dua ta përfundoj duke thënë se: “Nuk

ka rëndësi se kush je, por se çfarë krijon “.





### EKSPERIENCA IME NË GJIMNAZIN “CAMBRIDGE”

Sa hap e mbyll sytë vitet kaluan. Ishte ekperiencë shumë e bukur të kaloj vitet më të rëndësishme të jetës në këtë shkollë. Me miliona kombinime, si kjo nuk do të gjej më. Është vendi ku shëron çdo plagë, është bërë shtëpia ime, njerëzit që i kam për rreth më janë bërë familja ime e dytë.

Kur erdha në këtë ambient isha shumë e vogël, nuk kisha shumë njohuri, por kjo shkollë më mësoj pothuajse për të gjitha gjërat që duhen gjatë jetës, jo vetëm që të jap dituri, por pas përfundimit ke një mendje të hapur dhe përvojë në të gjitha aspektet.

Jam mirënjohëse ndaj prindërve që ma mundësuan një shkollim të tillë, ku në të ardhmen të kem një horizont të hapur për mundësi. Por mbi të gjitha nuk është fundi i një rrugëtimi për ngritje profesionale, por fillim i mbarë në pragun e zgjedhjeve të së ardhmes.

*Pajtesa Dobroshi*

### SEKUENCA MË E BUKUR E ZHVILLIMIT TIM



“Ti ose tjetri, apo të dy”?!

Jeta mund të rrëfëhet si një vërtetim shkencor i mbushur nga segmente të ndryshme, të cilat ndikojnë në gdhëndjen individuale. Që këtë gdhëndje ta mbush me ngjyrimë, në jetën time ndikoi GJIMNAZI “CAMBRIDGE”.

Shkenca pa art dhe arti pa shkencë janë dy elemente të fuqishme, por të humbura. Prandaj për herë të parë në gjimnazin “CAMBRIDGE” mësova që të bëj gërshetimin e “Mendjes dhe zemrës”. Këtu zhvillova aftësinë e mënyrës së veprimit të botës reale në atë artistike që unë e quaj të brendshme.

Nuk përfundon e gjithë njohuria që mora këtu, mësova se shoqëria është njëri nga faktorët më të rëndësishëm për gjendjen emocionale të individit dhe individi e vetëkrijon shoqërinë e tij.

*Vleri Beqaj*

### PSE ZGJODHA GJIMNAZIN “CAMBRIDGE” ?

Gjim-

nzi “Cambridge” është vendi ku unë inspirohem çdo ditë, vendi ku unë shohë një botë ndryshe, një botë plo



të dashuri dhe plotë entuziazëm. Pothuajse është bërë si shtëpia ime, ku unë mund të ndihem siç dua unë. Jam në vitin e fundi, por po të ishte e mundur, pa hezitar fare



## Opinionet e maturantëve

### KUJTIMET !



Vitet kalojnë shumë shpejt e bashkë me to edhe ne po rritemi e po bëhemi më të vetëdijësuar se që kemi qenë...Kur kam ardhur këtu në gjimnazin "Cambridge", isha një vajzë e vogël e cila nuk kishte shumë njohuri për gjërat që ndodhnin papritur, për rregullat e jetës, si duhet të sillemi që të bëhemi dikushi... të gjitha këto i mësova nga një profesore i ndjerë, i cili ishte shumë i dashur për mua, ai jo vetëm që mbeti në zemrën time po do jetë edhe në mendjen e zemrën e të gjithë kolegëve të tij, nxënësve e të shumë personave që patën fatin ta takonin...

Nuk është me rëndësi se ku jemi, së bashku me shoqëri do krijojmë momente të paharueshme, e shumë mundësi na krijoi edhe gjimnazi "Cambridge", ku ndër to ia vlen të përmenden ekskursionet e ndryshme rreth Kosovës, në Mavrovë e në Shqipëri, ku së bashku me profesorët tanë, kalonim ditë të mrekullueshme. Rrugëtimi im në këtë shkollë do të mbetet gjithmonë në mendjen time, të gjithë i kemi ato momentet e këqija dhe ato të mirat, por kur i shikojmë më hollësisht këto të fundit do të kenë rolin kryesor. Këto 7 vite shkuan shumë shpejtë, por kjo shkollë, këta persona të dashur që gjenden këtu më janë bërë si një familje e dytë dhe sigurisht që do të jetë shumë e vështirë ndarja. Si mund t'i them lamtumirë këtij vendi që sa herë shikoj përreth, shoh veten time në çdo kënd, shoh kohërat e bukura me shoqëri e sidomos njerëzit që më ndihmuan të jem kjo që jam tani...

Për të gjitha këto mundësi, i vetmi falenderim shkon për prindërit e mi, që donin të më shihnin me kujdes se si rritesha dhe donin që unë të kem një të ardhme sa më të mirë. Ep o, jeta nuk do të mbaroj këtu, në fakt tani do përfundoj vetëm një pjesë e saj, dhe që pas kësaj do të ketë sfi da të reja e të papritura, e ky akoma është vetëm fillimi.

*Yllka Shoshi*

### ARSYEJA PSE JAM KËTU



Ëndërra e çdo prindi është që fëmija i tij të mësoj të vetdijësohet për jetën, të ketë arritje. Si çdo prind tjetër ashtu bënë edhe prindërit e mi.

Në klasën e tetë të shkollës fillore u regjistrova në Gjimnazin "CAMBRIDGE".

Për mua ishte një ndryshim i madh pasi që fillova të shoh botën me një sy tjetër, duke pasur një sy kritik kisha një hapësirë të gjërë për bashkëpunime, nga këtu fillova aventurat e mia si adoleshente.

Shkolla e jonë na mundësoi që të jem pjesë e pothuajse të gjitha aktiviteteve, organizimeve të cilat më bënë më të aftë për atë që synoi sot.

*Taulanta Gashi*



## Këndi i poetëve

### *Libri*



Thuhet se libri është miku më i mirë. E vërtetë!

Sa herë që na duhet një përgjigje e gjejmë aty; Sa herë ndjehemi të vetmuar na shoqëron duke na futur në botën e magjishme të artit, sa herë na humb motivimi libri na jep force e na bënë të vazhdojmë përpara. Libri është diell që nuk perëndon kurrë; është univers i pafund që na hap dyert e jetës.

Me 23 prill është dita ndërkombëtare e librit, por nuk mjafton vetëm një ditë në nderim të tij. Çdo ditë, çdo zgjim të ri, duhet tu jemi mirënjohës librave sepse ata bartin me shekuj përvojën e brezave; Ata janë arma më e fortë që na mbron nga mbretëria e errësirës së paditurisë. Prandaj t'i jemi mirënjohës librit, rezës që ndriçon vazhdueshëm rrugën e jetës sonë.

*Dribardha Krasniqi*

### **Kush jam unë**



Jam filiza e kapitullit në mes të kapitujve të vjetër.  
Ku fillimi është fund e fundi fillim,  
Jam xixa e strallit në mes të kapitullit të kaluar.  
Hej bre.....,jam shkëndija në mes të shiut,

Jam e fortë në lidhje me brishtësinë.  
I qëndrueshëm brenda paqëndrueshmërisë,  
E depërtuar brenda zymtësisë.  
E ngrohtë brenda ngurtësisë.

*Marigona Ukëhaxhaj*

### **Vlera e arsimit**



Në Kosovë arsimit nuk po zhvillohet në kushtet më ideale , por fatmirësisht ka ende shkolla dhe mësues ku janë në gjendje që të sakrifikojnë shumë për shkollimin e nxënësve. E për mendimin tim njera prej këtyre vendeve është shkolla jonë.

"GJIMNAZI CAMBRIDGE", ku të gjithë punën e tyre e kryejnë me përpikëmeri. Shkolla e jonë shfaqë shembuj të sukseseve në fusha të ndryshme si: Disiplinë, përgatitje shkencore etj.

Arsimi luan rol të rëndësishëm në jetën e njeriut .Synim kryesor është arritja e zhvillimit etik ,intelektual,fizikë, social dhe estetik të nxënësit , në mënyrë të pavarur kritike e krijuese,t'u pershtatet ndryshimeve , të ketë vetbesim e shpirt bashkëpunimi dhe të jetë i gatshëm të ofroj përpjekjet e tij për mirëqenie,perparim e liri.Për të gjitha keto arsye unë vendosa që arsimin ta vazhdojë në këtë shkollë, me mendimdin që me ndihmen e këtij shkollimi t'i bëjë ballë çdo sfide në jetë.

Shkolla duhet të jetë si një familje e madhe ku të gjithë nxënësit të promovohen një lloj.

*Rinesa Çekaj*

G u r a s



## Këndi i poetëve



E lirë jam  
Nuk mund ta shpreh  
Gëzimin që kam  
Tani shqiptoj mirë  
Fjalë "e lirë jam"  
Tanimë përfundoi  
Robëria shekullore  
Tash jetojmë të lirë  
Në trojet arbërore  
Në historinë shqipëtare  
Ishin dy nëntorë  
Kurse në historinë time  
I treti është në këtë orë  
Dëgjoni shokë e shoqe  
Dy festa na gëzojnë

Dy festa na gëzojnë  
Dy shtete shqipëtare  
Një gjuhë dhe një komb  
Sa lot derdhëm për atdhe  
Dhe për të shtrenjtën liri  
Ne jemi shtet i pavarur  
Të kemi paqe dhe barazi  
Me 17 shkurt  
Si një lule me vesë  
Erdhi dita e pavarësisë  
E bardhë atë mëngjes  
Arritëm këtë ditë ne  
Me shumë vuajtje e sakrifica  
Por tash jemi të lumtur  
Për të mirat që na i sjell dita

Tash në vendin tim  
Po mbretëron liria  
Tek çdo prag i derës  
Lulëzon pavarësia  
Tash di të gëzohem  
Si të gjithë fëmijët e tjerë  
Sepse shoh duke valvitur  
Flamurin në erë  
Tash jam e lumtur  
Edhe shumë krenare  
Për popullin tim  
Për krenarinë arbërore

*Jona Morina*

### *Të vendos vet apo t'ia lë kohës*



Koha shëron, apo shërohem ne me kalimin e saj!?

Koha falë, apo falim ne me kalimin e saj!?

Koha është iluzion apo të them vegël e njeriut, koha nuk ndjen, nuk mendon e as nuk dashuron, e si mund të vendos koha pa ndjerë dashuri!?

Njeriu është qenje e nënvlerësuar, e nënvlerësuar nga vetvetja, ne nënvlerësojmë ndjenjat, dukurinë që udhëheqë jetën, që e shtynë e i jep kuptim asaj. Ne e nënvlerësojmë dashurinë, forcën që vë në harmoni çdo qelizë, çdo njeri e çdo ndjenjë, atë forcë që na sjellë në jetë. Nënvlerësojmë mendjen, Zotin e vetëm ekzistues, udhëheqësin e vërtetë e krijuesin e çdo

gjëje mbi këtë tokë, shpikësin e këti fenomeni të quajtur "KOHË". Aq shumë nënvlerësojmë sa që vendimet tona ia lëmë "KOHËS" ...

### *What traveling means to me*



When I hear the word "travel" beautiful and different locations full of adventure come to my mind. However people travel for numerous reasons, which can vary from their personality and situation. I'm going to share what traveling means to me.

When I travel, I feel like I can go beyond my boundaries, pick up new hobbies and do things I never thought I would do like: skydiving, bungee jumping, feeding animals, voyaging the nature, pottery, meditation, photography etc.

Traveling is a new adventure every-day where new cultures are experienced and I can meet people who can teach me so much about truly living each day.

I especially enjoy communicating with natives they make me love their homes even more. True appreciation of a country's architecture comes when you know the stories of a nation's history. But it's not just the rich countries that are incredible, I love the places where people are rich at hearts more. They make me forget about my little worries and I think why us who have so many material things are not full of bliss like them.

Traveling shapes our thoughts, it defines the things we thought we already knew, it teaches us what really matters. However we can also be a tourist in our own country by exploring new aspects of it and learning from our ancestors.

*Hare Deçani*

G u r a s



## KOSOVA

Me vite të tëra  
Pavarësi kërkuam  
Derisa një ditë e fituam.  
Rrugën tone të gjatë  
Me gjak e me lot,  
E kemi mbuluar  
Me festë e gëzim plot.  
Historinë kujtojmë me shumë krenari  
Do të ecim përpara  
Me shtetin e ri.

**Inara Bruçi, klasa III-1**

## KOSOVA

O Kosovë, o shteti im  
Ti për mua je me vlerë  
Si njëmanushaqe blu e verdhë  
Lulëzon përhërë.  
O Kosovë u bëre shtet  
Shtet I vogël por me vlerë  
Kur jam larg s'të harroj  
Tërë kohën për ty mendoj.

**Era Gashi ,klasa III-1**

## ESE

### 17 Shkurti Dita e Pavarësisë së Kosovës

Kosova pas shumë vuajtjeve nga ushtria serbe në vitin 1999 fitoj luftën kundër tyre.

Më 17 Shkurt 2008 Kosova u shpall Shtet i Pavarur. Pavarësia e Kosovës u shpall në Kuvendin e Republikës së Kosovës. Në Kuvendin e Kosovës prej 120 deputetëve pjesëmarrës ishin 109 deputet sepse serbët nuk morën pjesë. Sot në vendin tim gjithkund ka festë sepse festojmë 10 vjetorin e Pavarësisë së Kosovës. Tani jetojmë të lirë! 10 vjet në liri.

**Klesti Ukaj, klasa III-1**

### 17 Shkurti –Pavarësia e Kosovës

Kosova festonë 10 vjet shtet,sepse është shpallur si shtet i pavarur. Ne ishim të pushtuar nga serbët,serbët na kanë mbyllur të gjitha shkollat. Adem Jashari luftoi sa mundi për të çliruar UÇK-në dhe Kosovën,sepse serbët ishin shkaktar sepse I lënduan njerëzit .Kur e ka ndëgjuar Evropa I kanë dërguar forcat luftarake të NATOS dhe kanë luftuar me serbët . Evropa iu tha kosovarëve tani jeni të lire.Kështu serbët jetuan në atdheun e tyre kurse ne në atdheun tone.

**AURORA SOKOLAJ KL-II-të**




## Vizatime te nxënësve



Ilirian Ukaj

Dijona Selimaj



Ilirian Ukaj




Erlina Gashi

Guras




## Vizatime te nxënësve



Ujvesa Likaj



Leutrim Kadrijaj



Euron Shala



Allin Dragaj






Ema Ahmeti

Guras



# Vizatime te nxënësve



# Guras











